



**სსიპ საქართველოს შოთა რუსთაველის თეატრისა და კინოს სახელმწიფო
უნივერსიტეტი
ხარისხის უზრუნველყოფის სამსახური**

**სსიპ საქართველოს შოთა რუსთაველის თეატრისა და კინოს სახელმწიფო
უნივერსიტეტის საგანმანათლებლო პროგრამების განხორციელების შეფასების წესი
და შეფასების ინდიკატორები**

**დამტკიცებულია უნივერსიტეტის აკადემიური საბჭოს მიერ 2017 წლის 20 ნოემბერს
(დადგენილება N18/3)**

საგანმანათლებლო პროგრამების განხორციელების შეფასების წესი

სსიპ საქართველოს შოთა რუსთაველის თეატრისა და კინოს სახელმწიფო უნივერსიტეტის (შემდგომში: უნივერსიტეტი) საგანმანათლებლო პროგრამების (შემდგომში: პროგრამა) განხორციელების შეფასება (შემდგომში: შეფასება) ხდება შემდეგი წესის მიხედვით:

1. უნივერსიტეტში პროგრამის შეფასებას ახდენს უნივერსიტეტის ხარისხის უზრუნველყოფის სამსახური ფაკულტეტების ხარისხის უზრუნველყოფის სამსახურთან თანამშრომლობით;
2. პროგრამის შეფასების პროცესში მონაწილეობას იღებენ: ა) სტუდენტები, ბ) პროგრამის განხორციელებაში მონაწილე აკადემიური პერსონალი, მასწავლებლები და მოწვეული პროფესორები, გ) უნივერსიტეტის ის პროფესორები, რომლებიც არ მონაწილეობენ აღნიშნული პროგრამის

განხორციელებაში, დ) გარე ქართველი და უცხოელი ექსპერტები, დ) პოტენციური დამსაქმებლები, ე) პროგრამის კურსდამთავრებულები და სხვ.;

3. პროგრამის შეფასების პროცესში სტუდენტთა მონაწილეობა ითვალისწინებს: ა) სტუდენტთა მიერ სასწავლო კურსების და/ან სასწავლო პროცესის შეფასების კითხვარის შევსებას როგორც ტრადიციული ფორმით, ისე საინფორმაციო ტექნოლოგიების გამოყენებით; ბ) პროგრამის განხორციელებასთან დაკავშირებული კონცეპტუალური და ტექნიკური საკითხების განხილვაში მონაწილეობას; გ) ინტერვიუს ხარისხის უზრუნველყოფის სამსახურის წევრებთან და სხვ.;
4. პროგრამის განხორციელებაში მონაწილე აკადემიური პერსონალის, მასწავლებლებისა და მოწვეული პროფესორების მონაწილეობა შეფასების პროცესში ითვალისწინებს: ა) ერთმანეთის ლექციებზე დასწრებას და სალექციო კურსების კოლეგიალურ შეფასებას; ბ) მონაწილეობას პროგრამის განხორციელებასთან დაკავშირებული კონცეპტუალური და ტექნიკური საკითხების განხილვის პროცესში; გ) ინტერვიუს ხარისხის უზრუნველყოფის სამსახურის წევრებთან და სხვ.;
5. უნივერსიტეტის ის პროფესორები, რომლებიც არ მონაწილეობენ აღნიშნული პროგრამის განხორციელებაში, პროგრამის შეფასებას ახდენენ: ა) პროგრამის შემადგენელ ამა თუ იმ სალექციო კურსზე დასწრებით და სალექციო კურსების კოლეგიალური შეფასებით; ბ) კურიკულუმის სრულყოფასთან დაკავშირებულ განხილვებსა და დისკუსიებში მონაწილეობით და სხვ.;
6. გარე ქართველი და უცხოელი ექსპერტები პროგრამის შეფასებას ახდენენ: ა) პროგრამის შემადგენელ ამა თუ იმ სალექციო კურსზე დასწრებით და სალექციო კურსების კოლეგიალური შეფასებით; ბ) კურიკულუმის სრულყოფასთან დაკავშირებულ განხილვებსა და დისკუსიებში მონაწილეობით და სხვ.;
7. პოტენციური დამსაქმებლები აფასებენ პროგრამის მონაწილე სტუდენტების/კურსდამთავრებულების კვალიფიკაციას, შრომის ბაზრისთვის მათი მომზადების დონეს. კერძოდ, ისინი აფასებენ სტუდენტთა და კურსდამთავრებულთა თეორიულ ცოდნას და პრაქტიკაში მისი გამოყენების უნარებს. შეფასება ხორციელდება: ა) კითხვარების საშუალებით; ბ) ინტერვიუს გზით; გ) სტუდენტთა დახასიათებით; დ) სტუდენტთა სამეცნიერო კონფერენციების მოხსენებების, საბაკალავრო და სამაგისტრო ნაშრომების შეფასებით და სხვ.;
8. პროგრამის კურსდამთავრებულები პროგრამას აფასებენ: ა) კითხვარების საშუალებით; ბ) ინტერვიუს გზით და სხვ.;
9. პროგრამის შეფასების ინდიკატორებთან დაკავშირებულ ინფორმაციას აგროვებენ: უნივერსიტეტის და ფაკულტეტების ხარისხის უზრუნველყოფის სამსახურები ფაკულტეტებისა და უნივერსიტეტის შესაბამისი კომპეტენციის ადმინისტრაციულ სტრუქტურებთან თანამშრომლობით. აღნიშნულ პროცესს კოორდინირებას უწევს უნივერსიტეტის ხარისხის უზრუნველყოფის სამსახური;

10. პროგრამის შეფასება ხდება რაოდენობრივი და თვისებრივი ინდიკატორების ურთიერთშეჯერებისა და ანალიზის საფუძველზე.
11. პროგრამის შეფასების შედეგად უნივერსიტეტის ხარისხის უზრუნველყოფის სამსახური ფაკულტეტების ხარისხის უზრუნველყოფის სამსახურებთან თანამშრომლობით შეიმუშავებს კონკრეტულ რეკომენდაციებს პროგრამის განხორციელების შემდგომი სრულყოფის მიზნით. რეკომენდაციები წარედგინება ფაკულტეტებისა და აკადემიურ საბჭოებს.

საგანმანათლებლო პროგრამის განხორციელების შეფასების ინდიკატორები

სსიპ საქართველოს შოთა რუსთაველის თეატრისა და კინოს სახელმწიფო უნივერსიტეტის (შემდგომში: უნივერსიტეტი) საგანმანათლებლო პროგრამების (შემდგომში: პროგრამა) განხორციელების შეფასება (შემდგომში: შეფასება) ხდება შემდეგი რაოდენობრივი და თვისებრივი ინდიკატორების გამოყენებით:

1. პროგრამის მონაწილე სტუდენტების გამოკითხვის შედეგები;
2. პროგრამის განხორციელებაში ჩართული აკადემიური პერსონალის//მასწავლებლების/მოწვეული პროფესორების გამოკითხვის შედეგები;
3. პროგრამის მონაწილე სტუდენტების აკადემიური მოსწრების მაჩვენებელი;
4. პროგრამის მონაწილე სტუდენტების სხვა პროგრამაზე გადასვლის მაჩვენებელი;
5. უნივერსიტეტის სხვა პროგრამებიდან აღნიშნულ პროგრამაზე გადმოსვლის მსურველთა რეგისტრირებული განაცხადების რაოდენობა;
6. სხვა უმაღლესი საგანმანათლებლო დაწესებულებებიდან აღნიშნულ პროგრამაზე გადმოსვლის მსურველთა რეგისტრირებული განაცხადების რაოდენობა;
7. პროგრამაზე სწავლის მსურველთა რეგისტრირებული განაცხადების რაოდენობა (საბაკალავრო, სამაგისტრო და სადოქტორო პროგრამების შემთხვევაში);
8. პროგრამაზე რეგისტრირებული სტუდენტებისა და ამავე პროგრამის კურსდამთავრებულთა თანაფარდობა;
9. პრაქტიკის/სტაჟირების გავლის შემდგომ იმავე ობიექტზე სტუდენტთა დასაქმების მაჩვენებელი;
10. პროგრამის კურსდამთავრებულთა დიპლომის საშუალო ქულა (GPA);
11. გარე ქართველი და უცხოელი ექსპერტების შეფასება;
12. დამსაქმებელთა შეფასება;
13. პროგრამის კურსდამთავრებულთა გამოკითხვის შედეგები;
14. პროგრამის მონაწილე სტუდენტების პროგრამის პროფილის მიხედვით დასაქმების მაჩვენებელი;

15. პროგრამის მონაწილე სტუდენტების პროგრამის არაპროფილურად დასაქმების მაჩვენებელი.